

**STRATEŠKI OKVIR ZA VOĐENJE
JAVNO-PRIVATNOG DIJALOGA**

Općina Gračanica

OKVIR ZA STRATEŠKO VOĐENJE JAVNO-PRIVATNOG DIJALOGA

Javno-privatni dijalog (JPD) predstavlja jedan od ključnih preduslova za stvaranje povoljnog poslovnog okruženja i cjelokupan održivi razvoj Općine Gračanica. Uspostavljanje i vođenje JPD-a predstavlja sastavni dio funkcionisanja lokalne samouprave. U cilju uspostavljanja što kvalitetnijeg dijaloga, Općina Gračanica će osnovati Lokalno ekonomsko vijeće (LEV), koji čine predstavnici privatnog sektora, civilnog društva i lokalne samouprave.

VIZIJA

Općina Gračanica poduzetnički vodeća, ekološki uređena, društveno, organizovana zajednica, sretnih i zadovoljnih ljudi

MISIJA

Misija Općine Gračanica u okviru JPD-a jeste da obezbijedi privatnom sektoru pravovremene informacije, kvalitetne savete, usluge i podršku iz oblasti upravljanja lokalnim ekonomskim razvojem, putem javno privatnog dijaloga, a sve u cilju stvaranja povoljnijih uslova za razvoj poslovanja i konkurentnosti privatnog sektora i privlačenje novih domaćih i stranih investicija.

STRATEŠKI PRAVCI RAZVOJA JAVNO-PRIVATNOG DIJALOGA

Općina ima za cilj da razvija, proširuje i unapređuje javno privatni dijalog, kroz:

- Aktivno uključivanje predstavnika malih i srednjih preduzeća i investitora u konsultacije i procese donošenja odluka o ključnim pitanjima razvoja zajednice;
- Javno, transparentno i participativno razmatranje svih odluka koje se odnose na potrebe privatnog sektora;
- Podsticanje i unapređivanje organizacione kulture koja vrednuje mišljenje privatnog sektora, participativnost, inoviranje, proaktivnost i kontinuirano učenje i razvoj;
- Prepoznavanje i isticanje privatnog sektora kao važnog resursa zajednice;
- Motivisanje predstavnika privatnog sektora i civilnog društva da se aktivno uključe u planiranje, implementaciju i praćenje razvoja zajednice;
- Sprovođenje inicijativa privatnog sektora za unapređenje poslovnog okruženja i konkurentnosti;
- Definisanje politika i procedura koje podržavaju i podstiču individualnu i organizacionu efikasnost i efektivnost, kako općinske uprave, tako i privatnog sektora;
- Unapređenje kvaliteta usluga za privatni sektor;
- Podsticanje privatnog sektora na društveno-korporativnu odgovornost i pružanje doprinosa razvoju cjelokupne lokalne zajednice.

ULOGA OPĆINSKE UPRAVE U UNAPREĐENJU JAVNO PRIVATNOG DIJALOGA

Općinska uprava *inicira* javno privatni dijalog, *koordinira* sve aktivnosti koje se tiču njegove organizacije i vođenja i *pruža podršku u sprovođenju inicijativa privatnog sektora*. Takođe, općinska uprava vrši monitoring i nadzor nad svim aktivnostima uspostavljanja, vođenja i jačanja privatno javnog dijaloga. U tu svrhu, Općina uspostavlja poslove upravljanja lokalnim ekonomskim razvojem, koji obuhvataju i pružanje podrške svim oblicima javno privatnog dijaloga.

KLJUČNE AKTIVNOSTI OPĆINE U OBLASTI JAVNO PRIVATNOG DIJALOGA

1) Konsultovanje privatnog sektora

- Uključivanje privatnog sektora u proces strateškog planiranja integrisanog razvoja zajednice,
- Uključivanje privatnog sektora u praćenje implementacije strateškog plana,
- Anketiranje privrednog sektora radi razumevanja opšteg stanja i za specifične potrebe,
- Periodično posjećivanje privrednika i razmatranje važnih pitanja za njihov razvoj.

2) Informisanje privatnog sektora

- Obavještanje putem izveštaja, zvaničnih dopisa i cirkularnih pisama,
- Informisanje putem pisanih i elektronskih medija,
- Plasiranje svih informacija od značaja putem opštinske internet prezentacije, odnosno, web stranice namijenjene privredi.

3) Postupanje po inicijativama privatnog sektora

- Podrška u sprovođenju inicijativa i rješavanju problema privatnog sektora koji se odnose na poboljšanje uslova za poslovanje na lokalnom nivou,
- Podrška u sprovođenju inicijativa koje se odnose na unapređenje poslovanja lokalnih malih i srednjih preduzeća, naročito u privrednim sektorima sa potencijalima za razvoj,
- Upućivanje prijedloga ka višim nivoima vlasti i saradnja sa drugim jedinicama lokalne samouprave u sprovođenju inicijativa koje se odnose na poboljšanje sveukupnog poslovnog okruženja u Bosni i Hercegovini.

4) Savjetovanje privatnog sektora i pružanje konkretne podrške i usluga u skladu sa iskazanim potrebama

- Pružanje podrške u pristupanju različitim domaćim i stranim fondovima,
- Pružanje neophodne logističke podrške postojećim i budućim investitorima,
- Obavljanje i drugih aktivnosti u skladu sa potrebama privatnog sektora i mogućnostima Općine.
- Pružanje podrške pri kreiranju, implementaciji i evaluaciji projekata **javno-privatnog partnerstva**

5) Uključivanje privatnog sektora u proces donošenja odluka o razvoju zajednice, unapređenju poslovnog okruženja i konkurentnosti privrede

- Uključivanje privatnog sektora u odlučivanje o razvojnim prioritetima,
- Uključivanje privatnog sektora u donošenje odluka o svim važnim pitanjima od značaja, uključujući i izgradnju opštinske infrastrukture za potrebe privrede i razvoja proizvodnih lokacija.

CIVILNI SEKTOR

Civilni sektor može dati svoj doprinos JPD-u jer poslovna udruženja ili udruženja poljoprivrednika mogu biti reprezentativni predstavnici određenog sektora, djelatnosti ili većeg broja istomišljenika u ovom dijalogu. Nadalje, unose element civilnog društva u ekonomskom razvoju, zastupajući interese svih građana u području zaštite okoliša, socijalnom i društvenom aspektu, razvoju i sl. Osim toga udruženja imaju iskustvo u pripremi i implementaciji projekata usko vezanih za oblast kojom se bave, te često imaju pristup izvorima finansiranja koja su namijenjena isključivo civilnom sektoru, aktivno utiču na privlačenje finansijskih sredstava u Općinu i omogućuju financiranje aktivnosti koje državne službe ili privatni sektor ne mogu pokrivati.

JAVNA PREDUZEĆA/USTANOVE

Javna preduzeća imaju važnu ulogu u javno privatnom dijalogu jer svojim radom mogu utjecati na poslovanje privatnog sektora, kroz kreiranje ponude na tržištu rada (obrazovne institucije), evidentiranje ponude i potražnje na tržištu rada (Biro za zapošljavanje), pružanje i naplata komunalnih usugla (komunalna preduzeća).

PRIVATNI SEKTOR

Uloga privatnog sektora u javno privatnom dijalogu jest aktivno i proaktivno sudjelovanje u oblikovanju povoljnog poslovnog okruženja na lokanoj razini kroz relevantne i argumentirane prijedloge i kvalitetne povratne informacije sa terena. Način i obim angažiranosti privatnog sektora u JPD-u utiče i na nivo cjelokupnog lokalnog ekonomskog razvoja Općine Gračanica, te je zbog navedenog uloga privatnog sektora u JPD veoma važna i neophodna.